



紹述先生詩集

二

和0
1495
12

早稻田大學附屬
圖書圖
寄第
漢詩文
第 號
第 卷
此書館不外許帶出



和18
1495
12



紹述先生文集卷之二十三

詩集卷之三

男善韶 校

五言律詩

秋郊閑望 庚寅

一村桑柘暗，千畝稻粱肥。
藍水流紅日，白雲住翠微。
世途榮願薄，今古賞音稀。
尚愧機心在，山禽驚却飛。

贈村上養純丈蒙 召赴東武

青囊傳祖業，束帛聘良醫。
文字廿年舊，徃來二世知。
幸今非老矣，何復歎淒其。
思以十全術，禱斯累洽時。

紹述先生文集

卷之二十三

詩集卷之三

浪遊

斯身無拘束，散策又成遊。日自樹巔落，烟令松意秋。詩書多日廢，世界此生浮。肯要就箕穎，徒披季子裘。

送大村景尹東遊

六經千里志，一劍十年光。天外波濤白，愁邊艸木黃。古來有窮達，男子慎行藏。吾道要扶起，差令人意強。

秋蟬

宮槐影稍薄，秋容也耐憐。飡微戀玉露，吟苦訴金天。風處棲難穩，雨邊驚却遷。行看脫塵累，解學飛仙。贈長井生東行

匏繫非君志，壯遊道里千。杯盤唯是夜，文史復何年。青嶂猿啼外，蒼波鳥去邊。榮旋知有日，其莫廢簡編。

春月 辛卯

啼鴉難占宿，暖樹罩芳埃。松影鋪還薄，花香暗欲來。幽懷唯我輩，勝事幾樓臺。不似秋宵月，莎蛩和露哀。

途中偶作

行行唯匹馬，路入萬峯分。衰髮年年白，修林葉葉紛。清鐘催落日，孤鳥逐歸雲。名姓任人記，若為恨不聞。

秋興

讀書逢妙解，欲語少知音。萬木新秋色，數蛩徹夜吟。

輸贏成世態，歲月感人心。未償龍門志，那堪華髮侵。

何陋軒二品，藤公席上賦得秋色。

七月廿七日

眼界寄登臨，感懷無古今。白雲圍遠水，黃葉守疎林。把筆唯排悶，分杯不厭涼。漸看暝色迫，枯杖倦追尋。

八月十六夜荷亭主人席上得夜字

一輪二八秋，醉賞遇良夜。暗虫喧露砌，雜樹遠風榭。背灯光逾薄，入水影相射。疑身到揚州，不須倩鶴駕。

喜立軒丈人自勢之山田來京，留止累旬日，以

文史為娛，及其歸也，餞以一章云。

相遇又相別，臨歧淚濕襟。人皆奔利路，君獨戀詞林。

短日驅疲馬，平臯送暮禽。明春門外柳，應待復來尋。

湯興五首

乾坤人擾擾，湖海水茫茫。殘雨收虹彩，低雲壓雁行。

買山無計策，滿屋有文章。到處皆真境，放歌鄙楚狂。

深轍謝長者，紫街雪滿時。寒波流缺月，殘葉守枯枝。

汗馬千年史，雕蟲一字奇。壯夫何所執，白日眼前馳。

十年多病客，五畝是吾家。世界求黃白，園林足月華。

寒叢猶著蝶，秃樹已藏鴉。隣釀聞方熟，應教稚子賒。

俗物豈相擾，精廬伊洛間。九州奔白日，一几倚青山。

葉帶風聲落，人兼雲影閑。子期呼不起，屋上月彎彎。

健竹有時曳不日澤畔吟一峰鐘外濕千樹雨邊沉
池色菰蒲白鳥聲叢篠深奇山遊未遍歲月轉相侵

遊二見浦

二見浦頭望長雲勢海東東南天欲盡向背嶺相重
白捲濤聲走綠團蔚色濃輿人偏厚我昇到畫圖中

歷鈴鹿坂

鈴鹿真天險巉巖誰削成時遷闕久廢路熟峻將平
海自峯巔見樹傍岳面榮田村功不朽草木識威名

贈純慶頭陀東歸

慶頭陀妙齡已有英譽博涉書史頃將歸江戶云到秋復來

夙有子安器長隨慧遠遊千重鄉國路三載帝王州
吟次鳥聲過茶餘岳色浮京山四時好飛錫待清秋

讀杜工部詩二月十日荷亭席上

一篇詩史筆今古浣花翁剗馥沾來者妙詞奪化工
慷慨憂國淚爛醉古狂風千古草堂在蜀山萬點中

越州足羽文人一別十年忽蒙枉顧次韻奉謝

喜君過強仕矻矻勵三餘若得從先聖定應嘆起予
十年修舊好是日扣幽居誰道越山遠神交雙鯉魚

歲暮即興

看盡春園花又對鴈前雪宜爐熨手溫吳箋揮毫潔

自笑八尺軀徒掉三寸舌光陰如奔流誰寄還丹訣

秋日山居

旦暮猿聲足况逢搖落時手香收異蕈擔重拾枯枝
酒債村人買事回鄉伴知山童請我癡旋取小松移

聞鴈有感

遠岫初過雨征鴻雲外翻幾人催白髮是日又黃昏
片影千山路新聲一水村寒衣寄未達爽氣滿乾坤

詠蠅

嘗遭武相怒又被醉翁彈鑽紙癡難出止藩事可歎
熱羹甘鼎鑊餘瀝戀杯盤慙愧蟬高潔露殮我尔冠

壬辰中秋荷真師席上得三字

爽氣同千里桂光照塵談笙歌人共醉文字我何堪
露帶虫聲白雲驅雁陣南佳期不虛度官鼓報將三

和呈芥河醫伯陪遊晚翠亭韻

暑塵不相到深樹氣稜稜瞻望幾千里高明第一層
綠苔知日厚朱檻憶嘗憑長日猶嫌短應看低玉繩

積翠園奉陪

二皇子遊

六月十七日村
上宗白等到

池臺宜避暑此地轉淒涼水接天河影花分仙竈香
風烟來好句今古入飛觴幽意超塵表偏知引興長

殘菊

黃花過十日，折倒倚疎扉。紫艷雨餘退，寒香露下微。
禽窺猶裊裊，蝶去却依依。三徑唯松在，無由待白衣。
三月廿日 妙法院後園觀花時京師大火客
散而不呈 癸巳

乘此艷陽節，來陪帝子宮。金陵詞采鷲，香積供厨豐。
山濕非回雨，花開未怯風。偏知玄圃裏，霞采別般紅。

松谷子席上次韻奉酬 五月十七日

公餘有茶約，書畫對前賢。啼鳥紅稀後，清風竹密邊。
暑衣初細葛，夏興未寒泉。半日閑情緒，劇談驚四筵。
過溝上醫宗溝上寓居

此地距城近，夙知可勝遊。風濤雖遠隔，臭味幸相求。
綠樹傍橋寺，青山臨水樓。秋容晴更好，氣象奈南州。

初冬即事

未有親爐火，稍思傾酒觴。圖書供我有，黃白使人狂。
園樹丹楓盡，庭叢寒菊香。儂家新活計，本不在軒裳。

歐陽詩雪

千年汝南會，風騷不世情。為梅誰辨色，曰竹始聞聲。
清徹詩脾識，迹隨履迹生。撒鹽兼柳絮，畢竟落凡評。

甘白子席上賦薰風自南來 五月六日

新晴未徂暑，起卧小茅堂。槐影南簷壓，松聲午漏長。

殘書猶在手，輕篋不求涼。解事青奴意，引吾入睡鄉。

香川詞宗和見次遊天台韻

採藥人何去，遠尋嶽頂房。雲烟呈畫本，泉石是詞場。
來去諳禽性，陰晴辨水光。還家纔一日，已覺市中忙。

牛山翁宅賞菊和主人韻 甲午十月 初一日

漉漉無時倦，不令三徑荒。粧成玉環面，染出御袍黃。
高興人揮筆，醜顏客滿堂。還丹應秘在，分我一匙嘗。

木鐘丈席次晉山丈韻 九月九日

向來同臭味，共坐月花筵。燈燼飄吟次，寒英媚酒邊。
誰能賡白雪，只見選青錢。茶具乘清暇，為烹幽澗泉。

遊山科僧院次主僧韻

不日求覺路，偶爾扣空門。滿架詩書在，偏知夙好敦。
清泉令僕汲，茂樹解吾煩。真率四十箇，曾無斧鑿痕。

清水光則生，獲子先人手。牘一紙，于同門生。裱
褶，丐予題字。生未弱冠，知慕仰前人，亦可嘉尚。

也為賦一律

雖匪及門客，猶為私淑人。高山存仰止，仁里接芳隣。
歲月音容遠，草行手澤新。藟孤無似甚，閣筆費吟呻。

甲午之歲，琉球國王尚益遣與那城王子金武
王子隨薩州太守入貢。十一月九日，發伏見赴

江戶與篤所及準弟平井喻義宅觀之

絕域歡斯國世王道路賒貢充蕉葛布地產佛粟花
文字學中夏版圖接薩麻而今舟楫便不假指南車

題小三山

或携一小石假山來丐予詩且命之名其狀
大不過盈握而隱然有三峯鼎峙之象曰
三山半落青天外外句名曰
小三山仍系之以詩云

曠古有斯石韜光又幾年一拳收萬象中岳倚雙肩
影落明窓底氣凌層嶂巔三山詩句妙偏想謫仙篇

春晴 戊戌

新霽投幽境林垆日始長人家修竹影僧院落花香

山屐何辭險野杯不問行陽坡多嫩蕨采采未盈筐

應並河宗永之懇次秋元侯挽詩韻 乙未

身繫蒼生望嘗先天下憂世勲鎮席旅清德想羔裘
逝水千年恨悲風三五秋大星隕是夜那意白雲遊

宮野生河畔倚居

相逢知幾日肝肺輸來新几席同千里烟霞送九春
閑窓俱對雨深巷不通塵飲聽東瀛勝恨無由問津

文齋郊居

斜徑沿幽澗遙岑面草堂琴書清有趣蜂蝶日偏長
不識誰嘗住應嫌人更忙蕭森修竹在枕簟聽琅琅

不勝冬日應巖橋生之招同一二老友遊清水慶閑

林菴遂到清閑寺

寺有高倉帝陵宮人小督附葬焉

只有山中路更無山下村松濤轟白日鷓陣迫黃昏

千口美人化一杯古帝魂惆悵歸急動始出給孤園

題吉田高尚軒時燈師寓焉

郊行逢夕霽携弟訪支公雙眼千山頂一菴萬木中

翻經同且暮持鉢任西東珠玉非君好詩成滿袖風

仲春偶書

柴荆依水濱疊嶂隔西隣今古一雙眼行藏八尺身

黃塵無定日卉木自知春午睡醒來困又逢問字人

訪某隱人不在

衡茅溪一曲矮竹自成籬欲問焙茶訣又逢采藥時

禽聲知茂樹山影壓前池將去日差午留題招隱詩

乙未六月廿日同松谷子遊東山泉涌寺

寺傳承久世勝古宋人書松栢鎖王氣棟梁移帝居

甘泉相激射老樹不扶疎偶到清涼地一池蓮菰初

酬足羽老丈見寄韻

丙申

新詩思面晤字字帶風霜蘋藻巖祠宇簡編開講堂

山連三越遠路隔五湖長當是蕭條候知應對雪光

次澤田詞兄從會津拾遺公遊品川高韻

縮地吾無術，竟飛東海邊。山容摩詰詰，華樹色子卿。纏
 繁載蒼波，影帆檣落日。天知將東魯，業宵夜席應前。
 丁酉二月僧院看花呈松谷子
 曰君簿領暇，賞此艷陽辰。鐘外半樓日，花間一院春。
 光陰催我老，世事與時新。誰復不虛灰，丈夫八尺身。
 贈森下昆季侍親赴肥州享保丁酉
 水國向長夏，棹歌源半空。斗牛三尺影，骨肉一船中。
 鄉樹唯雲白，浦霞帶日紅。倚門歸思裡，應不待秋風。
 壽小堀松谷子，令萱春光大孺人古稀初度
 佳節千秋近，慶筵七袞臨。瑞萱含露茂，仙樹布陰深。

是日絃歌沸滿堂，子姓森前程餘歲月，壽酒幾回斟。

九月十三日蘭化齋小集遇雨漫賦

準擬今宵興漠然，又做空幽花如怯。雨病兼不堪風
 半榻形骸外，千函譚笑中。何山秋更好，趁霽一樽同。

夏日訪山田邑北氏隱居

五月十二日與桂川丈等同到

迂徑隨山入，桑麻四面深。虛窓通野色，脩竹可人心。
 物外烏皮几，意中綠綺琴。幸吾先壠近，經過屢追尋。

存亭氏在肥和子贈昆玉韻見寄依韻再酬

帝京霜信早，落盡四山紅。離別三秋後，平安尺素中。
 聚頭知不遠，屈指莫令空。聞說魚龍怪，歸棹候好風。

遊圓乘院

甲午八月

廿四日經西教寺遂到飯室圓乘院而飯主僧嘗在京相識款待甚懇到安樂院有公羅王所書弘律場三大字扁又到松禪院觀唐貞元中台州刺史榮陽鄭審則所書東來經卷目錄一卷晡後三山倒影澗聲傾響主僧報言是兩侯遂宿于陂下謙齋之宅焉

羊腸分萬木午梵扣幽房片石坐禪榻華勝弘律場

澗鳴知雨候樹老閣天光貪聽秋林鹿任師半日忙

晚過野宮

荒涼餘一字尸祝祭天孫華表不煩斲荊榛即作垣

鬼燐畏白日樹影倚黃昏幽訪偏多露遺歌今尚存

藤宜齋席上賦呈

四月六日

小築故人在扣門聽午鷄寶笈橫彩筆黃卷認金題

幽竹臨窓亞好禽擇樹啼千年揮塵裏不問玉繩低

同日同賦夏木千章清得章字

流憩依清樾蔽虧午影長客杯分翠色人袂漾嵐光

未弄白團扇旋移瘦木床奇書棲在手讀了兩三章

富春亭賜觀花

紺園春事過又赴藥欄期有酒有花處乍寒乍暖時

林霏山欲近午寂雨催詩厚眷多餘興歸鞦帶好枝

夷島晚眺

積水四無際此中島嶼分銀濤搖地軸珠斗占天文

勝槩駁初到神工廣異聞九州誰謂遠堪可弔湘君

詣小河弘齋翁墓享保戊戌八月十一日歿

歲月程門雪弟兄洛下遊不將當世侶須在古人求

竹寺東岑晚松扉北野秋子雲吁無後草掩土饅頭

本多氏甥初上謁本藩歸京後會集其宅與故

舊話己亥十月六日夕正 淳宜參見櫟同到

夙有食牛氣已垂舞象年楓林湖上路雪嶠越南天

羔雉獻藩府杯盤趨客筵預期成偉器奕葉美名傳

詠白髮

秋霜消不盡飛入鬢邊明旋自鑷餘白應於愁裏生

簪花羞不稱臨鏡忽相驚誰謂有公道偏欺吾輩輕

夏日同適堂師訪默所老大席上次韻庚子五月十六日

廿年方外契一棹故人情花竹賞心在風煙樂事并

蠹編追日課雕篆却天成元是非生客不煩倒屣迎

井上氏叔姑齒登八袞賦一律以奉祝云

先子同袍好今唯姑氏存三春情自適八秩齒還尊

柔德常從子餘年須弄孫將何介眉壽激灑凹金樽

和州高取宰林老丈春間頃寄書見索拙詩仍

賦一律以呈

千年王氣古百里國風新襟帶山河固桑麻聚落春

分憂重良吏，禦侮賴戎臣。何日金峰下，蔭花岸角巾。
十六夜緒方翁宅觀月

幽期還歲歲，美酒為君傾。何復戀金闕，即今遊玉京。
中庭移樹影，叢竹助風聲。相遇興無盡，不羞昨夜明。
光祿藤公席上屢邂逅，黑川良壘頃者應豐府
之辟將赴任見索贈詩

不為鱸魚膾，蒼茫一葦秋。人聲沙際市，龍氣驛邊樓。
金匱啓玄鑰，丹臺窮奧區。帝京榮梓在，好告十旬休。

送原鵬南東行庚子年

霜柳不堪折，翩然向武城。山晴無雨意，冬暖尚秋聲。

夙抱四方志，好成三世名。加餐且努力，期看繡衣榮。

即事辛丑正月蘭

皇州春事淺，冒雪訪齊休。尚擁通紅火，未收舊敝裘。
羅裙舉世醉翰墨，還吾求深坐。盡今古偶然當一遊，
勢州山名大書來。云客歲拙述書傳到南方，過
蒙褒稱且見，眎除日詩次韻以謝

幾歲參商隔一封，抵萬金曾思尋。我到未肯與君斟，
詩禮傳先業，是非憑賞心。春風浩波綠來就柳邊，吟
中秋沿湖而還將雨

此中涵萬象，一掌與天平。帶雨數峯暗，受風玉雨輕。

虛無今島嶼，依約認州城。興廢幾今古，徒餘感慨情。

追和綾部生中秋韻

綾部生，豐州杵築之仕族也。弱而有志，器今茲，惟疾而終。綱，空文寫寄其詩，見要拙和，因次韻以寓悼惜之意云。

月照秋濤白，一樽海畔樓。少年懷壯志，良夜動清愁。身在塵氛外，興非絃管遊。不堪傾想處，俄爾隔明幽。

辛丑春仲堅田丈隱伯與邑人六七輩招予講

學既歸見寄一律次韻酬謝

自得山中樂，誰知行路難。雙橋青澗上，一徑白雲端。春半風仍緊，雪餘泥未乾。浹辰遊歷處，領畧足奇觀。

題睡鶴堂前櫻花客歲自播州來

海上春暉好，移來此苑中。幽姿如泣露，嬌態不勝風。今尚丈餘許，行將萬朶同。更知花底酌，人面幾回紅。

酬謝絳齋丈自豐見寄韻

千里波濤險，無緣追釣船。曾思遊輦路，幾度泝晴川。自愧雕蟲技，徒增犬馬年。欣然如覲面，舒卷誦清篇。

自丹歸長濱友竹生見寄次韻

谿羽饒佳境，行行萬木昏。曾無初作不遭塵氣染，何厭水聲喧。倦鳥投深樹，歸雲過別邨。清和勸我醉，十日憶平原。

辛丑三月拜觀

上皇內御園

琪樹環仙籞，彤雲接禁城。芻蕘忘帝九，丘壑本天成。
太液波聲動蓬萊，日色明偏知宮漏。永應是報昇平，

遊松峽呈圭齋主人

仲秋廿七日

載酒千峰頂，縛廬萬木間。吟邊西嶂日，鳥外別州山。
已過三秋半，又逢一日閑。欲窮奇絕處，暝色逼松關。

詠風轉木斧

庚子

誰設魯般巧，現成郢斧形。假風怒螳臂，絕樹截鴉翎。
守菓何煩吏，護花無用鈴。恨惟時代木，響不做丁丁。

壬寅春日應啓上人招遊岡崎幽居次見脉韻

謝呈

幽期隨處足，不必白雲層。榻接四方客，杖過隣寺僧。
嘗臨懷素字，何愛道林鷹。勝地令人滯，已張村市燈。

題西教寺半間軒

四月十六日同長衡與宇都國井與田同往十八日歸

半間雲與住，一宿近天台。修篔簹分泉引，禪關當嶺開。
青山迎舊識，白首愧重來。登涉看無厭，又尋舊路回。

河邊納涼

壬寅六月七日書于杉孤庵河上書樓

川明如素練，佳處置高樓。欲避城中熱，又追塵外遊。
山迎人語近，林透梵音幽。襪亦何事，宜來此地休。

續通雅 卷之三十三 古詩堂藏

廬山寺畫富士障子前亞相隆長卿所畫次奉
參議保光卿韻以應院主之懇十一日

扶輿凝一氣萬古富慈山八葉雲霞外孤根天地間
群峰相擁衛絕頂謝躋攀面目毫端現高堂咫尺顏

半間朴所藤公席上奉和中御門藤公高韻癸卯三月

孤村沿水到虛牖面山開且惜春光盡不妨野色來
位登朝著貴家積賜書堆二妙一臺裏嗣音何待催

經友人故居

滄桑嗟世事徒倚淚盈巾結構由新主經過仍舊人
呼盧當日興舉白幾場春兒息昧存殺平安問四隣

今茲春仲筑州茅軒翁惠書及新詩數首稱揚

先人之學術目次其韻以致欣幸之意癸卯五月

屋烏餘愛及尺素贈予箴千里霸臺海百年洛水潯
遺書雖尚在墜緒奈難尋不是一家物斯文貫古今

八月十四夜蘭化齋翫月

欲賞今宵月招呼不誤期纔離青嶂頂已掛碧梧枝
積雨初收夕明暉將滿時杯盤多逸興爭忍更無詩

佐伯浩齋書樓中秋翫月癸卯秋

今古佳期在乘晴登此樓稀星環帝座孤月滿神州
處處絃誦興年年文字遊主賓俱易世追憶舊時秋

桃溪氏小集次見脉韻

十一月十七日正
淳致遠重經到

九衢塵裏住不惹九衢塵
露月星辰影肅霜鴻雁
宿燈花看且結酒力嘗
還醇居止幸相接
經過應更頻

題小峩眉石

甲辰正月

先君子題此石蓋三十年前矣頃又圖來徵予贊詞予於此石可謂有二世之契為作一律以貽之

偶對半輪月飛來小朵峰
一拳今造化八字寫真容
誰託假山記漫誇怪石供
幾人將著語禿盡紫毫鋒

松洲翁宅會集次敦素文韻

此來高興在機事不相侵
日月九門近詩書一室深

幽禽暝擇樹嘉卉鬱成林
已了向平願詎容為越吟

與土居東藏文話舊一別已二十年
又將歸中

津詩以贈之時享保甲辰九月也

半秋風雨暗千里故人來窮海
誰知已明時無遺才

每思頻促席相對又含盃
廿歲猶初志世波回既頽

比年中秋集秋興堂賞月
今茲院主告以

悼之

幾鵬白雲頂白雲了此生
廿年方外契雙淚世間情
香焰秋堂寂悲風夜壑鳴
每逢三五夕應憶舊詞盟

甲辰初冬藤宜齋文宅小集得憐字

蘇東坡詩集卷之二十三 蘇東坡詩集

凍雨晴還暖欲憑清榻眠霜鴻傳遠信寒菊弄孤妍
有約誰相負多情入共憐又堪誇雅興白雪皎連篇
服部丈嘗及先子之門久宦丹之龜山在京邸
時時蒙垂訪頃者被擢用將歸丐予贈言為裁
一律以寓惜別之意云

半日山陰路只今一片雲東風吹未暖朔雪墮猶紛
嘗慕周南化忽空冀北羣應將匡濟手贊畫致其君

春寺 三月廿一日 香川氏亭

棟宇自何世招提占一峰林花開簇簇澗水漱淙淙
下界人烟隔上方空翠重帳焉春且盡盡畫蔭長松

一日過杖信翁有矮松一株云七十餘年物為

請名曰命曰壽星題一律云爾 時享保乙巳三月也

虬幹不盈尺託根小朶峰能持高士操何擬大夫封
雖未堪棲鶴還疑欲化龍宜隣梅與竹相倚管三冬

老将 五月一日 猪飼氏宅

當膺推轂寄仗節事戎車當日三軍帥殘生百戰餘
尚能圖地勢未肯閣兵書一片丹心在若為雪滿梳
子侍先子問存菴老人已垂四十禩矣先子時
有贈詩一律近者訪令嗣宗函見徵書先詩且
和此詩為先人得意作殊覺難和然家裏事何

名述先生文集卷之二十三 蘇東坡詩集

蘇東坡詩集卷之二十三

愧蕪劣為書云時享保乙三月也

欲問董生宅，軒楹枕水濱。廿年故舊在，兩世通家親。
方藥傳先業，負薪屬後人。迹兼城中遠，習靜好頤真。

早行六月初一日 宜壘氏宅

蓐食出州郭，行行聽唱雞。千林風撼撼，一路草萋萋。
雲帶殘星斷，河依高樹低。已看村口屋，開戶嗽前溪。

秋夜八月二日 宜齋氏舍

月色入秋好，西軒坐夜闌。光陰寒暑迫，行路古今難。
竹影唵邊動，柝聲話裏殘。飛蚊時觸耳，未肯拋輕紈。

促織

不堪時序迫，啼徹夜漫漫。相喚依衰草，孤棲傍矮欄。
愁人疑代訴，久客寢難安。唯有綺羅席，無緣動慨歎。

八月十四夜蘭化齋漫賦

十年談往事，一雨促新涼。明夜佳期在，今宵餘興長。
簷低雲冪冪，牆古樹蒼蒼。誰動歸歎歎，欲眠竹裏房。

山窓夜雨九月二日 淺井氏宅

蘿窓直對雨，手卷坐終宵。漸覺泉聲壯，時聞木葉飄。
暝禽風外落，飢龜暗中驕。憶昔廬山興，一燈照寂寥。

詠史乙巳十二月初一日 宜壘氏宅

當日割鴻溝，兵爭未肯休。秦知必楚背，項竟歸劉。

蘇東坡詩集卷之二十三

草創提三尺，支封半九州。奈何高鳥盡，枉殺淮陰侯。

春雪

二月一日 井上氏宅

春寒時釀雪，紅獸手頻添。委地難堆玉，撒空猶做鹽。
客來傾社酒，人看揭湘簾。陌上晴泥滑，應疑柳絮粘。
了堂老禪病，中見寄用韻和呈。

鴈雪未全盡，春輝滿帝州。室中誰問疾，物外獨真遊。
松翠高於屋，竹風長在樓。不須煩折柬，一榻許吾休。

失鶴

四月十一日 井上氏舍

應厭樊籠困，高風縱羽儀。青冥空有路，華表竟無期。
狼藉啄餘粒，扶疎棲老枝。憑誰輸別恨，松月落琴徽。

廢宅

三月十五日 淺井氏宅

憶昔遺簪地，菰蒲掩水涯。千金營土木，一夢恨豪華。
午影舊時燕，春風幾度花。徒供行路歎，不識是誰家。

新鴈

八月一日 淺井氏宅

新涼過積雨，白雁下汀洲。風動黃榆暮，霜催紫塞秋。
杳冥傳遠信，慘淡起清愁。莫破中宵夢，湘江客繫舟。

露

九月廿一日 弊舍

草際粲如綴，不嫌露我衣。因風迸顆顆，為月弄暉暉。
鶴夢松寒斷，虫聲葉壓微。芙蓉吟次落，紅艷未曾晞。

邊衣

十月廿一日 香川氏宅

蘇東坡先生文集卷之二十三 蘇東坡先生文集卷之二十三

裁破澄江色寄將紫塞秋金針隨弱手玉筋灑清愁
音信思鄉里夢魂遠戍樓虜塵無日夜早晚錦衣遊
岷山中江翁從先人遊垂五十年研究古學他
無所嗜晚年寓于攝之大坂教授有年近聞其
訃吊以一詞六月十日終壽七十二是年春凶內
嘗慨微言絕從師五十年窮經空白首齋志竟黃泉
唯有書堪讀更無子可傳孟光亡未幾又使淚漣漣
觀舞五月廿一日 宜齋氏舍
妙舞占高榭曼歌醉艷陽花飛隨扇影蝶拍戀衣香
忽作淒淒雨不堪颯颯涼漢宮尊寵者隻袖幾曾長

黃鶯圖 岩橋氏懇

珍禽來海上云此是黃鶯紅蕊偏堪啄金衣不負名
寫成資博物看罷覺多情且近艷陽候應聞恰恰聲
致齋管子識先人垂五十年矣教化一方老而
不倦頃聞訃音奠以一章丁未仲春
尚論不知老自晦覺斯民嘗是忘年契忽為異世人
天涯消息斷海外姓名新千里訃音到又逢宰木春
鸚鵡丁未孟夏
咸賓歸化日微物近君王慧舌為身累雪衣充土方
愁邊秦樹遠夢裏隴雲長伶亦亦重譁能言學異鄉

名述先生文集卷之二十三 蘇東坡先生文集卷之二十三

月前聞杜鵑五月一日
淡井氏宅

夏令未芒種客衣尚怯風子規聲太急片片過遙空
山縣雨初歇松檐月正中勸人歸去處歸去失西東

池館避暑丁未六月廿
一日樊宅

嫌他着襪襪冒熱徒徘徊松影唵邊動荷香夢裏來
稍知蕉葛薄時把蠹簡開遙嶺片雲起靜看雨意催

秋柳

誰裁河畔柳蕭索先知秋風外數株立月中千縷長
猶然涵鴨綠嘗見弄鴛黃馬上折殘後不堪一夜霜
播州中谷氏住于賀古河側庭有偃松一株盤

鬱可喜圖來徵詩

長免芥斤厄四時不改榮天空圍午影庭近動濤聲
半潭栽來久形模寫得精盤桓多逸興命駕訪陶生
戊申初夏宿白雲教學精舍

朝朝延爽氣登覽愜當期人語雲生處花開春盡時
烟霞分水國日月辨方維一宿松濤裏起來聽子規

甘露己酉六月廿六日長胤
書呈黃門兼原管公

昌歷遇堯日休祥紀漢年溥風周志縣靈液下蒼天
不待金莖捧長看玉葉連如飴宜養老壽域屬陶甄

茅齋閒讀書己酉十一
月望樊宅

棘籬園不整，茅舍露尖頭。誰抱伊臯志，長從沮溺憂。
書聲風外度，野色牖中收。欲著逸民傳，姓名子細求。
春日遊城東，真淨菴次奉範上人見眎韻。

王氣千年闕，山光四面來。騷懷聊此適，雨意不須催。
花映攬逾，席人傾鸚鵡，杯豈唯方外，契鄴下一時才。

中秋南樓賞月呈諸君子 聞今宵省中有御宴

佳節邀佳月，南樓不負名。新詩千里思，往事十年情。
仙宴隔金闕，人寰即玉京。二難幸并得，休問幾多更。

庚戌九月十三夜樊廬同賞月 去年是夕雨

清暉三五夕，餘興又南樓。梧葉去年雨，桂花兩度秋。

天低黃道近，斗轉絳河流。團聚皆親眷，一觴舞一遊。

霽寰藤公賜和前詩再和奉賀且伸新除之賀

防城俊將公新除中納言

長安華月遍，萬戶共登樓。魯酒迎清夜，巴歌富素秋。
泥封新雨露，翰墨舊風流。忽聽康哉詠，漫思天上遊。

桐陰生菡，產也寓樊塾，肄業有年矣。今茲中秋，
嬰疾而殞，素為其國宰，小鷹狩，老丈所厚，回次

奉其輓詩以悼之

素梓阻千里，聲名歸九泉。新墳堆白雪，往事問蒼天。
曾共杯中物，尚留几上編。藏修期遠到，吁不永其年。

寒夜次文碩三英兩生唱酬韻

廣陌人喧息幽齋燈火微寒威霜閃瓦斜影月侵扉
未解故人劍且憐遊子衣持螯還勸醉何羨肉屏圍

泉州道中 泉遊諸詩之一

三五稀星在城中戶未開晨光隨步上春色促人來

一擔寄行李片帆落酒杯前程饒壯觀歷覽幾時回

過貝塚新川翁引子飲于岸本氏海莊入門扁

曰遺世園共憇于亭上南海偉觀盡于一望

享保辛夾三月朔與士享三俊兩生訪泉界
松本氏遂經攝泉之間過親朋知舊之家
旬而歸目錄羈
中幸意之作云

遺世園臨海萬株松翠齊天池涵晝夜地脉沒東西

帆駕青山過波搖紅日低重遊難預約灑筆坐留題

春晚應湖菴丈人之招阻雨不得出遊次見

韻

輦下寄高躅軒中饒野情酒香何待勸詩澁不期成

雨打尚花在庭空只鳥鳴無心過竹院半日了浮生

廬山寺避暑

驕陽何處避初地接神丘螺髻山當戶鴨頭水近樓

清風吹我夢甘醴勸人留愧匪臨川侶濫竽侍勝遊

八月十九日會蘭化齋次芥河醫伯韻兼呈院

主和和尚

相逢供健在勝會幸無違秋暑未捐扇晚涼還襲衣
悲歌思宋玉朗詠感王微莫過石橋去應同步月歸
辛亥中秋車巷醫國在京僑居見招同賦

佳月三秋半故人千里來就明堪把筆叙舊不停杯

處處笙歌沸聲聲鐘鼓催何須橫槊賦且喜好懷開

辛亥九月十三日弊舍玩月屬塾子賦詩和去

夜

皓魄未全滿依然登此樓幸兼異鄉客同遇帝城秋
簾捲對青嶂窓虛俯碧派勝心將樂事不減去年遊

南樓玩月次弘軒見和韻

鼓篋不辭遠清歡共倚樓應看京洛月遙憶越天秋
功豈一朝建芳湏千載流墳篋酬是夕何問世間遊

喜客至壬子臘十二日得圓而老
禪并香川小野而氏至

蕙門稀剝啄苔徑喜登然至後纔期月朝來又雪天
室中無長物几上有陳編不作未同語相逢席更前
了堂開士次喜客韻見寄再和酬謝

一帶寒流碧高蹤此惠然看雲消白日披霧觀青天
真率供蒲饌深沉玩簡編風波觀世路不厭話燈前
原田龍江丈世宦于大海鎮素嚮學今茲早春

寓京問學頃者見請改其名曰告以知充又蒙
一_レ律次韻謝奉乃翁亦好文屢荷存問情見
于詩
君山青一點咫尺興何窮方屬芳辰屆又逢理化隆
親臣三世契師友一家中喜暫寄高躅切磋追古風
松田春倫生世以醫仕于越之新蒺田跋涉二
千有餘里造都下僑予近里肄業頃日將寧親
回籍丐贈言聖修之遺訓受用之工悉矣其所
服膺而誦究也不待臨歧忽忽提告為裁一律
以勗其成立

有客自天涯重趼輦下來望鄉窺北極思親咏南陔
驛樹殘花在旗亭落日催前程多歲月好就不群才
大內青谿詞宗嘗過京見訪獎廬爾後寄書并
詩荏苒未會今茲癸丑之夏予遊攝州邂逅于
土橋氏秀野亭與同伴諸人互相唱酬因次其
韻以謝云
六月

園中何所有池館帶松筠山脉連千里野芳接四隣
荷君情繾綣贈我句清新尺素忝知己相逢見席珍
自嵯峨歸途中
癸丑八月
二十一日
筍輿由熟路極目野烟橫終古雲山色半空鴻雁聲

村春隨日落，社鼓賽秋晴。憂國非吾寄，亦欣年順成。

片玉山

石，假山，一，座泉州岸，和，田，世，臣，久，野，氏，之所，藏也，其頂，背俱，白，其趾，白，脉如線，路，一，播，紳，嘗命，名，曰，片，玉，屬者，因，人，見，可，拙，詞，仍，題，云。

崑山分片玉，秀溜翠玲瓏。唯見混成迹，寧容斧鑿工。千秋罽雪在，一路與雲通。不倩愚公力，宛然移室中。

寄題大觀樓

樓在大湖，涓江左，氏園，一，子從予遊，索詩，因賦，云。

占此湖山勝，大觀題署新。層雲連越嶠，賈舶湊江津。跋涉寧辭遠，登臨應更頻。二方能愛客，欲去且逡巡。

屬者加藤春章丈人齋，一相識書投刺，枉顧甚

荷，推重愧甚。丈人在東武，素耽經籍。一見殆如

舊識，留止不滿十旬，忽忽告歸，見求鄙詞，謾賦

一律，以寓惜別之意。甲寅夏六月初七

白髮與傾蓋交遊無故，新慙勸尋往迹，談笑見天真。未剪西牕韭，已思千里尊。不堪渭城雨，依舊灑輕塵。

秋懷一首示人

暑塵無地避，一雨送淒涼。邊信未鴻雁，農功將稻梁。譚闌燈動壁，吟次月升廊。誰繫隙駒住，莫貽老大傷。

早春自西山歸乙卯正月二十六日

西疇春色淺料峭馭東風一墪黃埃表千峰青眼中
人皆知地勝誰復哭途窮底事苦相待空林雪未融
杉孤菴翁自但州來雪夜携美酒一榼見訪
夜雪坐岑寂忽逢訪戴人黃封須共酌白髮且非新
歲月去來迅市朝消息頻勸君携稚子輦下賞芳春

南泉長老將赴薩州見索鄙詩卒賦奉餞

不管春光盡飄然向海西錫飛紅日落帆掛碧雲低
勝迹供登涉佳山好品題經營吾有志早晚宿招提
有人持吳箋索予寫字為錄近作一闋以塞白
是非憑口舌到底鬢成絲竹帛空千古烟霞自四時

尚嫌風惻惻漸喜日遲遲旦暮子雲遇知心可與期

題壺碑圖

古城控朔漠玄石表東陲名勳勳臣績情傳元帥詞
典刑輕漢鼎文字認秦碑遠近明疆域還能辨夏夷

初夏郊行

花事已陳跡園林欲杜鵑澗聲生履下嵐翠滴吟邊
古柏深深寺早秋漠漠田頭頭皆勝境却是感流年
自隱老禪今茲齡登八秩見眎歲首作次韻謝
呈丙辰

潛蹤三畝宅煉句八旬春常說世間法長為塵外人

松猶摩頂舊石見點頭新

何還問富貧

春魁遊古峯氏鷹嶺別業丙子

三月十日那波祐英拉三浦為安過予宅携予父子往

春晚佳招到行行穿翠錦主辭供給淡客謝交情真
衡宇畫崖腹斷橋臥澗層四明蒼靄外七野絳霞隣
躑躅願知己彷徨伴古人欲求行樂好都屬石門春

遊住吉浦庚午

昔耳攝都勝今遊住吉濱波浸紅日湧樹接白雲鄰
左臂控南地前頭際北津漁郎沽海賈行客祭江神
夙抱遠遊志每羞株守身何浮滄海上快活祛胸塵

早春作辛卯

冉冉年光迅堂堂春事來世情新歲月昧地奮樓臺
紙上陳人遠樽中魯酒開晴窗添睡課列岫獻詩材
有禽皆黃鳥無邨不白梅筍輿沿細路枯杖破蒼苔
寒自雪邊去青從柳際回詩通猶未了又被物華催

奉輓特進朴所藤公已酉六月二十八日

夙抱琬琰質弱冠翔紫宸四靈文卓絕百首意清
新鳳閣獎廷器龍樓掄席珍九重天語近
三錫露恩頻篤學承先緒虛懷禮逸民園林沿
澗秀亭榭與山隣幾歲居無倦一朝迹已陳英名

千載取豈化北邙塵
管公子冠且有攀桂之榮陪宴恭賦
紀元文化洽奮典錄材賢祖德耿光遠英風奕葉傳
茂才登科日榮爵拜恩年世守絲綸美貴遊簪裾聯
婆娑同上壽躋登叨陪筵千古詩書在為君勸勉旒

紹述先生文集卷之二十三 終

紹述先生文集卷之二十四 詩集卷之四

男善韶 校

七言律詩

松蘿 丁卯

露漬氣蒸知幾日山膏釀出若琉璃
嗽來頰裏香浸齒採去籃中氣透肌
初似兒拳味方脆老如偃蓋狀尤奇
料知不是人間物却勝商山五色芝

寄木祝

老椿鬱鬱蓋中庭萬朵花開撲鼻馨
蟠地靈根千歲

紹述先生文集

卷之二十四

古義堂藏

古傲霜危幹四時青黃鶯巧弄枝頭舌粉蝶輕飄葉底翎樊弟梅兄悉九骨爭如斯豈保仙齡

懷舊淚

故人一去天窳廓冥漠幽魂何處求綠水無心春寐寐落花不語思悠悠始知世事常難必徒見聲名獨自留耿耿殘燈孤館裏夜深清淚數行流

贈可兒生玄好歸鄉

貞享四年仲春

萬里滄波一葉舩輕帆孤棹海西天片書頻速古園信數裘忽收滿案編力學多年真可畏奉杯今夜亦誰先却思鄉友稀師友為約歸期更莫愆

九月十四夜應平井春澤之招同諸友玩月同來玩月小齋東詩興忽生寂寞中更盡清談棊一局夜闌爛醉酒千鍾雲頭皎皎輪將滿葉際亭亭影猶濃四顧山河桂光遍主人勿勞挈銀缸

夏初遊于八坂

戊辰

時山口勝隆寓于八坂耕雲菴即蕉自子別業也北村前田共往時四月十四日也蕉自

有詩予次韻

綠暗紅稀三四月郊原始霽畫圖開亂鶯處處高還下乳雀隻隻去自來風綠柔條颭苑柳雨添新暈長堦苔一年好景無多日須對青山把酒盃

小樓孟夏

小樓獨坐午陰長，庭樹影濃風送涼。無事徒消閒日，月平生常負好韶光。池塘波暖魚苗湧，簾幕雨晴燕子忙。睡鴨淡烟透書案，北窓一夢熟黃梁。

新秋夜坐陪太府清公筵賦

孟秋念三

溽暑困人眠不得，倚欄陣陣晚涼清。竹垣搖綠琅玕轟，蘭畹抽青劍戟橫。雲罇踈星忽明滅，簾邊新雨乍陰晴。高堂綺席宴將半，隱隱華鯨時一聲。

重陽

佳節重陽天氣冷，忽看秋色到郊墟。霜黃林樹栗方

熟，露浥庭叢菊尚踈。筐裏空儲半成草，架頭未了讀

殘書。踈慵還咲龍山客，青史滿前臥草廬。

吉田生見和予重陽詩，又用前韻謝之。

九月念三日吉田生名興行

秋光滿眼驚人意，黍黍離離垂遠墟。佳節隨人強相賀，苦吟會友意何踈。任慵未掃管寧席，獨坐屢繙玄晏書。瓦缶雷鳴端耐愧，璠音難謝到蓬廬。

遊于鷹嶺知還堂

九月十四日回蕉園之招遊于鷹嶺村上漫甫家府及北

村薦所緒方惟文緒方惟秀坂口文安前田毅石河某見招

秋晚携朋三五輩，瘦筇緩步過前村。貪遊先著東山

履來興頻傾北海樽風急井梧多墮葉天陰塔蘚滑
新痕落暉掛樹簾櫳暮憑檻一吟欲斷魂

泛湖

九月廿四日因過氏之招遊于汧州膳所而作家君有詩中川好古又有詩廿五日

歸

紗巾單袂未寒天輕舸蕩搖湖水邊遠堞隔林粉墻
見長橋臥浪彩虹鮮北隣三越江光潤西接五畿山
勢連嶋霧岫雲悉佳致何人能得入詩篇

贈中川處士

好古○季冬廿二日

問道道遙洛水濱講論不怠幾秋春醉經飮史何期
富朝蓬暮鹽堪樂貧蠅遠甕頭吸盃酒鼠穿屋角墜

梁塵閑身豈可虛名絆自屬清時真逸民

元日二首已巳

聖門事業本無窮辛苦年來未見功白雪絳霞前岳
頂踈梅弱柳短牆東讀書何學萬人敵勵志豈安一
室中堪笑區區窮措大徒將顏面對春風
懶睡窓頭日色明乍聞黃鳥報春聲客因舊典先相
賀人到新年却耐驚鐵硯漸磨功未遂素孤徒設志
難成疎材本不經綸器自沐皇風樂太平

奉寄兵部大輔富小路藤公

家世簪纓累葉光讀書嗜學富詞章才高青瑣鳳麟

系之... 卷之二十四

器位列紫宸鷓鷯行志道應須除俗習居官先要却手
朝經料知名對延英日噩噩風聲動御床

擇勝亭赴謙翁之飲

河村昌澤號謙翁住智恩門前後家君往立所同往

肩雨東郊作勝遊盈疇麻麥綠如浮雲從音羽山頭
起水向白河橋下流燕子梁間驚午夢杜鵑枝上促
春愁陌頭多厭深泥濘還得清譚半日休

安井藤花

瘦筇赴暖到初地方值紫藤始發時弱植牽風颭翠
葉輕柔裏露弄芳姿虬相虺蔓千條曲鳳尾龍鬚萬

縷垂幸是牡丹花滿苑併看春色十分宜

春晝書懷

坦腹微吟臥小樓春眠未穩思悠悠壯圖早勉期成
就世事從來不自由百代是非真所畏一身榮辱亦
何謀堪嗟荏苒年光過費却星霜二十秋

登原壇望洛

貝顛巖升高北岳巔林垆漸暖艷陽天路穿巖嶂藤蘿
掛峰疊峻嶒松檜連五劇三條夕暉裏千村萬落暮
雲邊登臨縱目八荒外盤礴高吟自浩然

韓信次松宇韻

名述... 卷之二十四

具禮設壇登國士，須臾席卷許多州。收功赤幟井陘，
口制勝囊沙灘水。頭志大嘗遭跨下辱，計神何讓幄
中謀。可憐鍾室遭奇禍，本自雲夢作偽遊。

漢高帝

羸運永窮真主出，啓啓萬彙自茲蘓。山中四皓忍輕
士，魯國西生豈鄙儒。楚士八千終殄戮，秦關百二入
雄圖。蜚鴻射盡良弓棄，却恨君臣意未孚。

新秋造二尊院

清晨衝霧出京城，忽至上方鐘。心鳴回磴葛覃攀，疊
巘斷碑苔蝕拂先堂。松杉雲落山堂午，菡萏露香水

檻清境寂不聞人，語響高低處處亂。蟬聲

次韻應澹庵之招

為喜寒宵更正心，永唵燈自是可相親。調高更服敲推
熟，情懇何嫌來往頻。隨手卷舒蘓米帖，望塵陪侍陸
潘賓。多年從事毛錐子，却笑利名忙裏人。

伏見故城桃花 庚午

玄都觀廢事還新，唯有武陵經綫秦。極目艷霞迷十
里，陶情媚景冠三春。風吹芳蕊鋪紅糝，浪點輕花漾
紫塵。城郭而今何處是，桃花笑殺看花人。
賡韻元安生詠梅之什

斯花不與百花同，獨發百花未發中。斜月窓紗印，疎影黃昏簾幕動。香風清標更適清，新句文會雅推文。字雄從此百花相次發，斯花須首百花功。

訪梅嶺雲禪師

掛錫從來知幾年，經行久廢謝塵緣。風幡談午獨忘倦，雲衲護寒只任穿。鳥下生臺飯鐘後，鹿鳴秋苑講經前。初知高臥心安樂，松竹成區自晏然。

河口舟中作

今日始伸湖海志，拓開幽鬱共邀遊。新船出口人呼渡，露積岸頭鴉聚洲。太惜羨魚無結網，每忘嘆鳳欲

乘桴披襟時坐樓船上，一瞥西南數十州。

篙工搖櫓離河口，欸乃一聲入海天。霄漢鴻飛碧雲表，畫舫龍偃白波前。城從林罅壘先見，帆傍日邊櫓愈鮮。勝景留連人共樂，幾多笙鼓夕陽船。

岩崎氏二難見招

共蔭涼檐自愛閑，蟾光的的洗塵寰。金昆玉友併雙美酒，客繫人解笑顏。屋宇巧遮簾外樹，星辰漸沒檻前山。吼鯨撞破綺筵散，清話豈唯半日閒。

難波城

嘗慰當時兆庶心，貌貅億萬武威森。金墉萬雉連雲

壯天擊千尋絕地深粉堞樓鴉枯樹裏綺闈繫馬綠
楊陰人生荒忽百年事空有聲名直到今

京兆尹內藤侯府寮藤井君欽東都聖廟之營
建形之賦詠疊至三章加藤玄三伯仲共有嗣
韻又欲予賡其韻然韻險材拙聽技既窮漫次
東字韻一章聊塞其請

聖學千年興海東再嚴廟貌仰鴻功憲章自與乾坤
久霈澤更同雨露濃化被九州春浩蕩道明四際日
曠曠昔時莫咎晏平仲萬古人心本自公

漁樵問答

揄袂息肩伊水頭談山語海共悠悠自隨蓑笠聊堪
樂何事茅柴採不休常愛爛柯親羽客却憐釣國擒
諸侯始懼聖主徵求至急脫羊裘刺小舟

與同庠諸友賦新綠二首

辛未

新葺滿庭低戶斜柔條弄綠上牕紗初欣時雨潤如
膩遠望翠雲密欲遮色並三冬清節竹觀同二月軟
紅花快晴天氣可人日欲與堯夫隨小車
遠坳首夏恣行時新綠依依似索詩當暑罷傾程孔
蓋讀書不用仲舒帷濃陰棲雀巢柔幹嫩葉翳蟬宿
舊枝更鄙桃嬌與杏艷何如生意一般奇

扇

新裁宮樣白，鸞綰曾去。戴山伴，晉賢月凝。兩峯光偏，
飲雪堆，十畝色增。妍輕紈自取，炎涼態軟，骨能專闔。
闔，權休道。化工人，不管亦教三伏。若秋天。

元日 壬申

祥光四海一家理，誰取東風屬管城。冰裂沼池春有
脚，寒殘梅柳雪無情。曲肱佔俚士遊菽，鼓腹謳謠后
省耕。欲報新鶯知歲至，既來窓外向人鳴。

梅

正月廿八日藤光祿席上
與冬嶺篤所二子同賦

幸及瓊姿猶未老，勝遊何厭雨霏霏。橋頭宜看和煙

放風外難堪為雪飛，衣笠山前午畝圃。管公祠傍一
松扉，傍籬臨岸儘清絕。不許無詩容易歸。

復軒詞宗從子，借懋懋錄，頃寄瑤音，卒和謝之。

嘗徵芑茅航鴨綠，華兵失利內帑殫。三都瓦解拒無
策，八道士崩敵更難。馬背慣聞金角警，刀瘢恐著鐵
衣寒。羽柴基業今何在，却看箕封國尚安。

春仲遊雁鳥嶺作

二月七日從冬嶺家
君篤所遊那波氏莊

崖腹搗亭三四宇，夕暉朝霽共堪遊。雲封危棧捫蘿
度，雪擁斷橋據石休。園菜欲迎來客摘，孤村要得好

詩投適情不覺既傾倒退却鬼毫君莫尤

是日次主人韻

林塘取路到斯亭誰惹詩情集戶庭山足村晴漏些
白樹巔峰露納遙青石門占勝細杉徑蕭寺接廬邃
竹扁應是時禽催我興翠烟啼破不曾停

春仲文會堂席上作

甘雨昨來滿小渠喜看柳眼一時舒圖書洲畔鴛鴦
鳳翰墨場中恣獵漁架積聖經又賢傳盤羅海錯與
山蔬樽材不是王充慧須取四瓶幾度醺

是日席上賡約齋詞宗韻

水島慶欽

滿座雅音森若林叨攀鳳翼費新吟蚪蛇千態如椽
筆韶護九成擲地金久惜三餘磨講究須繙萬卷勵
追尋交情多日阻良覲欲吐野情呈寸心

又次春琳韻

文海多年縱涉獵說詩茲日倒韓輶滿座高明懷利
器一介白面遇盤根鼎香蟬眼茶三盞窓映蟾魄月
一痕自此山紅兼澗碧應須共杖遍郊原

鏡中燈

一點蘭膏金殿曉菱花影碧瀉清光始疑漁火射寒
浪又訝客星貫大陽此裏無風芒自動終宵不剔焰

何長想應君上勤朝政犯曉六宮理粉粧

一 詞韻謝古峯之招

五月二十七日

置亭東阜松杉際塔影岩堯斜入簾一鳥破烟歸別
嶺千竿洒雨掃芳檐韻巖難得坐間押吟拙不堪屏
上黏銹澁短刀廢磨淬自慙群彥筆鋒銛

晚夏石門即事

六月

此處來遊今幾度山光入夏益蒼蒼安排未得鮮新
句抖擻難除塵習腸雜樹含風生爽籟疊雲帶憤促
微涼不須苦取終南徑

八月十五夜會方維文宅賞月

偶值佳期欣快霽雲衢彩徹一輪懸何辭婪尾芳樽
倒休問玉壺更箭遷天柱峰光不足羨廣寒宮影今
方圓豈忍此會少風雅須寫綵牋滿百篇

秋晚遊北野祠官能歷居

九月廿八日

雅集西園尋舊期秋巖勝事屬斯時飲酣雖沒半規
日吟澁難裁七字詩已見衰梧圍毀井纔留荒菊立
踈籬高用滿座非生客侵晚徐歸亦未遲

同諸尊長遊堀蘭皋亭次主人韻

癸酉

騷盟幸屬陽和日滿苑杏桃曝綉裳句句瓊瑰詞最
老團團龍鳳味方長九衢卜築野情適三世藏書手

澤香又喜人間德星會接談盧駱與楊王

賡夏忠靖人影詩韻

何邊歸去何邊生出入相隨熟我情趁晷東西長或

短度槁來徃住還行為懼爾去熈燈暗要待君來喜

雨晴清曉紙窓復誰伴相俱踏碎月華明

遊清水寶性院

勝地千年芳躅古深秋雨色罩層巒祇陀園暮鐘聲

遠靈鷲山高樹影寒城角遙穿蒼靄密峯腰不掛落

暉殘難堪奔支風塵裡懷抱而今覺自寬

恭應

一品親王教賦菊

此歲王命緇素作詩者賦菊詩

斯花本稱隱君子不與眾芳爭後先黃白籬籬分畝

秀高低及及著英圓佳名嘗著不韋紀風節又聞湘

纍篇千載倘無彭澤愛只今詞客若為傳

菊花

籬落秋容餘逸態應嫌蜂蝶去紛紛品繁如闕百花

譜色豔認來一簇雲鄙水泉甘宜養老楚江英落尚

思君千年賞詠幾多輩陶後風流鮮有聞

贈秀嶺水野法眼

慶雲

之武城用諸君贈別之

韻

河梁攜手恨難禁知踏楚雲湘水深欲附龍鱗行雨

日叵安鶴髮倚門心莫言交道棄如土今見諸賢利
斷金到處江山奇絕態應須收拾入新吟

歲旦 甲戌

既是嬉嬉無事民况遭熙洽右文辰周公禮樂三朝
會夏后乾坤四隩春久謝白丁来往跡慵求黃甲利
名津此生幸免折腰苦欲擬長安高臥人

早春書懷

坐看園亭春意泛料知紅紫滿郊東談玄未必解三
語巧賦無緣送五窮求利者疲奔走路讀書人老是
非中拋來身計與家計欲學浴沂曾點風

和緒方君席上韻

五月十三日

羨君坐上客常滿巧手構成五鳳樓談裡無言耐驚
座盃中有物解忘憂棟花雨漲滿川浪叢篠風生五
月秋休罵鄜居詩料少江山神助不由求

謝古峯惠三史二首

舊業傳家禮與詩五車今得助唔咿豈於高閣徒空
束自此小園可不窺莫道只今無傳癖任佗喚我做
書癡青藜吹焰通宵誦問字不煩傾四瓶
牙籤軸軸荷君惠緗帙堆中春色鮮苦誦夜長鐘隱
隱懶眠日午腹便便休誇讀得拾青紫須識熟時通

聖賢留與兒曹資稽古任佗呼做舊青鍾
 甲戌中秋緒方君宅賞月次韻主人
 巧匠暗投擲地金九天風露入清音胡床逐影頻移
 坐楚玉奪光何處尋桂暗頑雲雖尚密竹疎前嶺不
 遮陰唯除談古談詩外口裏無些俗態侵

贈三浦浮陽歸江東舊廬九月十日

從遊十載京華客鱸美尊香忽促歸倦石無儲尚莊
 誦一裘任壞笑輕肥琵琶湖冷漲秋霽桐柏山高澄
 夕暉渭北江東雲樹想夢魂遙遠釣魚磯

謝長尾知幾見招

十一月五日土佐人長尾順哲見招冬嶺翁
 家大人篤所惟文小倉恭吉田懷德赤井公
 諫

喜子論文頻折簡僑居剝好避黃塵南溟波險思鄉
 淚洛汭地幽耽學身端硯煤香淋墨汁胡瓶梅瘦吐
 朱唇風流不許談阿堵此會清高無古人

元日試筆乙亥

欲賦新詩吟未了曙光驀地遍東郊青州從事吾知
 已白水真人久絕交慵問浮花將浪蕪堪甘野蕪又
 山肴頭顱拋去功名外到處年年誦解嘲
 喜村上維亮仕于信州諏訪侯

信州風土素淳古聞道金臺聘郭隗投杖欲尋江北
雪賦詩遙寄龍頭梅鷺湖水合狐先渡望月牧荒駒
尚來須在士林露頭角豈應逐隊徒徘徊

次冬嶺先生除日韻

聞達從來低看了一生不掛齒牙間春臺拈句任情
適冬嶺繙書稱意間黃紙朝班餘白髮素封眼界領
青山吾人何幸際昭代躬觀皇風通八壘

遊黑谷西翁院

并序
乙亥上巳後一日應同志諸友之招冒雨遊
紫雲練擎西翁院節屬清明時方艷陽冠童
成行追子哲之沂水章逢滿座慕右軍之山
陰諸君雅什瓊璨成軸自賦一律以記偉饋

白櫻朶朶柳絲絲共浴鴨河把酒危彩筆縱橫山有
助黑雲斷續雨催詩童行冠者舞雩友修竹茂林曲
水辭素向侯門踪跡少任佗鯨吼鳥還時

題古義堂前白櫻

并序
小園袤二十弓濶四分之一前望長衢俯瞰
洛川西矚白雲之疊翠南仰金城之壯麗中
掩小堂扁曰古義堂前方僅五畝白櫻一株
陰蓋四隣所謂江戶櫻者也艷華媚乎春綠
葉蔭乎夏二十年前火後移植今已
滿園目賦一律以倡諸君子詩云

上國名花櫻絕代小園移植入詩篇宜晴宜雨兼宜
月若雪若雲又若綿墜蕊舞風黃陌曉艷葩逐浪洛
川邊周蓮陶菊千年愛比並此花孰是妍

蕉窗宅同賦雨中書懷

四月八日從家父造坦菴冬嶺薦所維
文蘭皋松宇養菴豐滿某河端某至

塵中浪迹久蹉跎，幸是吟髭尚未皤。
萬事吾今聊復爾，世途振古叵如何。
午風籜解娟娟竹，暑雨蓋傾的的荷。
醉味却令詩思惱，床頭欲直到南柯。

豐河二生借耕雲菴招客

三月二十五日江之
八幡人豐滿某河端

水送山迎三二里，芳園占勝洛城東。
乳鳥爭食棲深綠，新燕銜泥蹴軟紅。
一塔影危勢如壓，百花塢暗徑難通。
從來佳境難占得多，屬神祠與梵宮。

夏日集光祿大夫藤公第得過字

四月十四日冬嶺家君薦所宗哲
蕉窗蘭皋大角良可及予同見招

午熱低垂苦叵過，一筇投步影婆娑。
茶清能解文園渴，田曠求歸粟里歌。
村婦候晴打黃麥，畦丁灌畝植新茄。
此亭四顧收光景，醫得烟霞痼疾瘥。

夏日冬嶺公席上

夏半暝雲難得霽，枝低葉濕子規啼。
薔薇雨瀉上池水，躑躅紅迷冬嶺蹊。
異日押班青瑣闥，只今倒醉白銅鞮。
晴梅早晚四山興，酒伴吟朋何地携。

贈志井公諒歸土佐

并序五月廿日

赤井公諒氏自土來洛受業於家翁之門頃來告別將寧親其鄉詩以餞之

頭角挺然玄圃裡大任負荷見君堪苦心跋涉山兼
海刮目進修水與藍遙望鳳城唯指日欲攀鵬翼忽
圖南天涯一別青冥遠須記宵宵剔燭譚

古峰子宅賦秋雨

八月初九日

此日秋陰難得霽淡烟引雨透簾帷浪漚沸晶夢闌
後雲穗遠林情倦時慵見片飛梧葉葉好聞碎滴竹
枝枝風情更没人收拾箇箇拈來入我詩

九月初二遊北山

一丘夙有誅茅志稅駕未知又遇秋林斧溪春山互

峇嶺猿啼鳥暮相咻是非振古襄城轍名利驅人巫
峽舟洛下耆英今健在吾曹不少忘年交

秋晚赴蘭臯之飲登東山雨中即事

九月二十三日晚從家府同冬嶺薦所古峯浮陽坂口文安到淺周迪掘正脩梅元端至

又恐秋陰虛爾過衝泥是日上東臯補陀閣破夕烟
秀華頂峰懸微雨高爛醉笙歌還俗子剪燈書史屬
吾曹詩才八斗一時傑白戰手慵揮彩毫

初冬十九日初遊古峰子鴨川別業枕流亭

榜揭枕流追子荆通知談笑耳根清詞壇張陣詩無
敵勝地引人酒有情鴨水一條岸南北長安五劇路

縱橫更無俗物敗人意疑在竹林伴步兵

直諒堂分題賦筆陣 十月廿五日

佳兵豈止武人事墨客從來好弄兵策隸體新察今

古瘦肥勢異互輸贏臨營屢試紫毫銳對敵先登白

楮城拜命詞壇非我事硯田早勉事歸耕

阿形豫菴席上作

寒雨晴時君有約占閑塵裡免營營奇書名畫傳家

古綵壁綺寮設興清懷橘屢嘗江北味識荆不用汝

南評十年交義真知己耐久而今尋舊盟

大澤中涯招諸友遊黑谷養親院 丙子

二月廿六日澤英貞父子招予及弟長敷長

衡時依田秀悅並河知竹弟良弼芥河時亮

循畔沿溪春十里綠茵艸軟肆筵時鷺峰嵐斷孤標

立獅谷雲晴金剝危觴咏元非戀酒客徐行更適覓

詩期冠童數輩皆鄉秀他日一龍成者誰

春晚遊古峯氏鷹嶺別業將歸口占

遙穿紫野到鷹嶺山茗未芽雨未晴空取午窓黃妳

熟易孤湖海白漚盟馮郎長缺彈來壯賀監金龜換

去清設使葛仙知此樂悔求勾漏願長生

謝那波祐長見招

卓家昆玉素相識，招客共談春色深。歲月仍驚屈指，
數園亭更適支頤。唵田真家睦，紫荊茂馬燧才豪。翠
竹森此會更無非意，至十州神趣不須尋。

遊並河損齋城南莊答見寄韻三首

四月十四日從家君造長谷川涼園小見山涼甫予松道淳至莊在橫大路邑

朱雀街南行二里，乘麻深處好尋芳。青門瓜地邵平，
隱錦里芋園杜甫，狂步有新船入輻湊。邑無吠犬俗
慈祥，只今雞黍追嘗約。來對元方與季方，
來就桂河河畔，宅石梁畧約竹為籬。曾通五七神經，
秘且學三千曲禮儀。斜整隨流漁肆列，西南翰綠嶺

容歌蚌胎且喜生珠玉，欲誦令原周雅詩。

自笑懶真無藉在，拋書今日又長途。一千畝竹渭川，
業八百株，乘諸葛廬欲學耜。思賣劍好逃草莽事，
荷鋤遊酣醉何顏。面且幸乾坤容腐儒。

冬嶺翁小隱席上次北村薦所氏韻

詞壇宿匠世宗盟，一榻相逢眼共明。鄉約每拚尋竹，
約世情還淡覓詩。情雌雄振古說飛伏，金羽且休比
重輕。更有蘿筵草堂趣，却言莫使曉猿驚。

五月十一日為並河伯仲所携遊北野社司能
惠宅歸途阻雨憶去年祖南客於此地云

高階芥河伊藤吉井大澤中村豐田成立兒
玉宇保藤江及予二季敦衡九十五人至

昔遊追憶更悽涼此地祖年記舉觴愛勝尋山忘脚
倦偷閑到寺為詩忙雲林院廢村三戶平楚祠荒竹
一墻貪逐螢光不知晚無端細雨濕吾裳

東並河桂汀

已見隱然負棟器後來造就定如何眼高每鄙庸流
雜學苦更嫌應接多日金蘭要披豁妙年藏蓄莫
蹉跎偉材吾有玉成志又望賴君得切磋
中秋緒方君宅賞月君隔年告休在洛每招諸
公從先生到冬嶺薦所江宗簡江成章至

故人官暇騷盟在又賦隔年三五詩織女機虛讓光
彩博望槎泛滯歸期影宜綠竹稀邊見明自青山缺
處奇尤物從來巨并得桂花不及菊花時

席上賡古峯詞宗漫興韻十月十八夜

豈將強項效奴顏難化性靈素愛山且暮露輸庭菊
紫淺淡霜使岸楓班從來溝斷何歎賤早晚雲肩占
得閒知足解云身未解是回未踏世途艱

應阿形豫菴之招遊高臺寺

十月廿一日阿形順的招家府及予井德建
及子春澤春城北村可昌觀高臺寺紅楓遂
集知恩院
樹昌庵

高臺院古扣禪關，磴曲徑歌蘿可攀。時見僧來參白足，更無俗到問青山。霸圖今日委塵土，民命昔年視草菅。不暇對君談世事，烏絲寫上幾回刪。

七日卒業

予自癸酉八月二日始講毛詩，今茲丙子臘念七日卒業。欲問皇風且誦詩，自斯幸免面墻譏。成周文物二南化，尼父述刪四始。次興觀群怨，隨讀會鳥獸艸木記。名知須揮昔日訓，庭意却耻期期之解頤。

壽長岡先生七表

名意丹以醫名，小序見文集。

華名轟震古，稀歲術要濟民。遍帝州身健，不須曳鶴杖。

杖眼明，今尚讀蠅頭。有孫有子百無患，得壽得名六。曷求自此行看滄海變，添籌海屋幾春秋。

元日 丁丑

嘗知斯道無今古，志學十年未認真。玉燭相逢千載會，金甌治屬八夤。春愧將緯地，經天業長作尋行數。墨人生意不須費，饒舌化機到處欲津津。

初集晚翠窩次韻主人古峰

正月十七日同家君冬嶺馬所蘭阜宗簡亭在知恩院側。

華頂之西新置墅，揭扁晚翠集餘寒。占幽目樹尖頭，屋愛窳倚梅小竹。欄詞客而今吐詞健，間人底事得

間難談今商古首頻聚莫做尋常茗飲看

目大澤氏之招遊北野宮次主人留題之韻

偶日野步度長川春色祠頭尚索然松老四山迴合

裏梅芳百卉未開先金鋪暉映蠹塘側鐵畫森巖揭

廟前遺愛千年土師德只須仰德勵乾乾

贈東川平井法眼應紀藩之辟適若山閏月廿四日

南服侯藩數聘日忽辭華洛負春風金峰嶺聳千尋

險弱浦潮平萬頃空肘後諸方傳秘訣籠中有物奏

奇功從來上國多相識唯愧被嗤吳下蒙

次韻端峯見招

上己前一日那波祐長招予父子及冬嶺薦所維文芸菴松守古峰

花掩重牆柳掩門京華春事集名園唐詩時對會人

語晉帖或俱佳客翻方有龍牙雀舌淨更無急管繁

絃喧馳驅所得又無幾且取經營付醉昏

自詠

頃來初覺自知短誤就高堅勞躋攀南舍追隨堪語

友東臯點檢可遊山讀書求道多求利營業耐忙不

耐間不朽本非關進退達人從古說伊顏

悼山口野哉翁

翁名勝隆姓多多良氏大內義隆七世裔事膳所本多伏羅仕隱于伏見丁丑五月廿四

日終年七十六六月廿四日那波祐英黑谷西翁院致奠招冬嶺家君薦所壽軒蘭阜松字毅菴長胤

顧眎據鞍真將種却拋金璫老南陽胸中韜畧雖無用身後典刑永不亾偉節當冠逸民傳雅交嘗屬文人行欲知精爽騎箕尾須憶多年養氣剛

八月十四夜枕流亭玩月

古峯招家君冬嶺薦所蘭阜及子

豈但良用賞佳月况令橫檻枕河湄偶經雲際暫相失僅到天中不覺移雖少樓鐘撞妙句不須吳斧斫繁枝天公本忌十分滿勝錢豈虛二七時

秋日遊知遷堂

八月廿四日家君弘全怡菴到

北岳秋深襟期爽况令松桂繞林扉道高勝會應難得心遠功名不可期尋葦行行披翳蒼聽泉曲曲涉崎嶇早知野意尤堪賦金屋從來不入詩

奉謁曼殊親王應教即事

九月三日從家君謁一乘寺竹門主

峯巒徑細幾經險日午初臻古道場秋穀懸黃添野色晚松弄綠惹嵐光龍歸諸洞千巖月雁叫半空一夜霜帝子好文饒詞客山窓剪燭坐更長

寒夜讀史

得人字

聚首喟吟夜方永間邊尚友幾多人龍門筆力勢擒

扁涼水編年功繼麟紙上褒良而貶惡燈前過漢已
經秦始知勲業皆天定底事杜陵看鏡頻

廢寺 得苦字
十三日

金地劫衰消歌久雕甍委土畫梁摧管腋膏血輝丹
碧却秉鋤耨披草萊廢礎空尋宮掩跡殘僧喧說暮
緣材創基何日唐耶宋長見牟尼跌綠苔

會豐田成美宅得看字 勝二日知竹景賢時亮
景房英貞及二季至

共提牛耳上詞壇又紙兔毫翻筆瀾何日詩窮封飯
顆無緣文弱斬樓蘭浮沉不足掛牙齒披豁應須輸
肺肝吾輩從來文字飲真情莫作利交看

賦古戰場 勝念月鈴木則
之席上換題

此地當間厭人肉日曛蓬斷水潺湲舞風蘆荻滿孤
壘帶雨鬼燐走曠原壇浦當年運奇策湊川千古慰
忠魂吾王好德民逃死共植桑麻長子孫

元日 戊寅

誰令春色到丘園又任家人晏啓門百姓有田何帝
力八方無事自皇恩馮生庸詎長彈劍揚子休言不
載樽却笑腐儒昧知今欲將寸墨正乾坤

壽主稅頭北小路君六表次杜祁公睢陽五老

圖詩韻 目中鳥
義方銀

芳聲嘗著司農籍身健何須掛吏冠清白傳家名是
震詩書稽古姓元相退年長共南山壽貞節高侵北
斗寒洛社英遊尋舊事睢陽圖畫得重看

蘭皋丈人席上次韻

二月十三日

千里東遊期已近今宵延客助清歡十年有友辱青
顧一事無為耻素餐吟對高材知益溢愁回酒力覺
稍寬詩筒不隔蒼波遠如面莫嗟會面難

是日分題得樹影

千章夏木繞吾廬亂影鋪庭密又踈落水或遭船脚
攬點階難使帚頭除客衣誤想帶蘿薜農圃還嫌

葉蔬引取午風雖可樂若為妨曝架頭書

樓影

危樓百尺瞰無地覆壓影高誰所基冠服臨池疑倒
坐簷楹射日欲斜欹既追走月東西轉又為懸燈左
右移老蜃海中亦何意思應龍府會馮夷

花影

月移花影上欄杆葉葉條條共一般委地堪教兒子
捉迎風巧學蛟龍蟠欲留餘馥徐移履恐亂清陰不
心冠又喜天公多意緒一枝分做兩枝看

夢

四月六日石井正俊社題

須識高唐燕，收策一心感。處本難欺，茫洋忽失。將成句彷彿，每口將就詩。方寸魂馳千里外，百般緒亂五更時。子規啼破槐安路，月掛長松最瘦枝。

枕流亭 六月六日

欲引子章風，月客茂林鬱。處避輪蹄帶，孫竹自籬根。迸結子菓從簷隙，低紅友非無。今日興青奴，應為是時携。竭來新事談猶半，未日行天影已西。

秋夕閑望得殘字 七月廿四日 岡東庵詩社

弊裘羸馬只儒酸，落日西郊暑尚殘。枝瘦長松風索索，葉低疎竹露團團。看山幽趣與誰語，臨水閑愁強

自買鐘磬聲中催暮景，欲歸點筆石欄干。

湛然居秋夜，即事香山只一詩。文辭神習公

不管幽人領詩景，砌桐共暮雨紛紛。新交舊識對林

語殘滴，悲虫隔壁聞。臨昏屢試隨意筆，讀書每抄會

心。文且吟且坐，且傾盞。紫几鐵檠欲夜分。

次主人見和

自嫌非出又非處，書札堆林醉世紛。榮辱雲翻每歎聽，是非蜂起不堪聞。字從義獻更無字，文到韓歐真是文。商榷與君應屢集，閑白涼夜近秋分。

又酬見和

名送先生文集 卷之二十四 蘇東坡先生文集

真風漸薄，澆風熾世，路無時，不蠟紛對客揮毫。君獨
得下，唯好學，昔嘗聞清，新須學，度開府，携散常比，郵
廣文，終夕論心，不相借要，知此處，邱丘分，

漁家

八月十一日
元悅宅

且傍古岸作村斜，茅屋相次六七家，南海不求爭珍
貨，西疇何事種桑麻，老妻柳外午曬網，稚子蘆邊晚
弄笳，欲識漁翁真活計，賣魚歸去酒堪賒。

林間煖酒燒紅葉

十月五日
友會予宅

林間煖酒燒紅葉，千古香山只一詩，文槐繡軒皆俗
物，蠟薪餽金亦何為，歸樵暮失可休蔭，飢鳥夜無可

宿枝，笑問傍人吾醉否，又看處處掩雞埭。

題辭二首

己卯

殖產本無田，二頃賣文豈要字，三縑架頭書亂認，蒼
帙瓶腹水枯鉤，井添縱使壯心伏，櫪馬從來事業上，
竿點龍門禹穴遊，何日匏繫而今突已黔。

嘗披青史有遺恨，千古難逢鐘子期，冷語於人多取
忤，安居在我分非宜，宜詩堦雪方堆夜，堪畫籬梅最
瘦，技南越樓蘭今已矣，不如窓底伴毛錐。

詠學二首

須識人人斯性善，希賢希聖豈難為，盡心全在擴克，

力志道要逢深造，期祖述嘗聞堯。及舜雅言又見禮，兼詩魯中有叟君。知否善誘循循不我欺，聖賢心印今如見。蟠地極天於穆哉，行止疾徐道斯在。性情存養教回，開莫從紙上騁。空知須就世間成，實材識破這中有。真意許君親見仲尼來。

春晚臥疾

造化小兒相，苦甚擁衾側。臥怯春寒時，烹香茗潤喉。吻戲炷清香，觀鼻端天氣。困人風習習，鼓聲和夢夜。曼曼不知簾外花，消息扶病強為開戶看。

挽那波古峰丈

五月廿六日終

業字夢圓人已非，依然如見執毫揮。多年翰墨空留迹，幾處園莊長掩扉。晚翠窩閑風索索，芭蕉窗暗雨霏霏。社中詩句回君但，自是新吟應更稀。

新秋

比來久廢鼓推業，幸免被呼太瘦生。竹日暉暉晴弄影，梧風索索晚成聲。無書可檢就人借，有友堪招折柬迎。蚊陣稍收堪隱几，須剔篝灯到天明。

贈本尾道育歸長府

杰間關外省扮里，明石城頭維客舟。東阜西郊嘗共到，農經軒典苦相求。龍頭遠嶼潮痕濕，魚眼射波海

氣秋今日拔尤空與此新詩自是復傳時

贈荒木玄周歸長府

雲山千里自長州也使黃花惹客愁送後慵繙江淹

賦飲中頻上仲宣樓月泛漁艇須磨曉波湧琳宮巖

島秋舊日交遊知刮目莫貽吾黨士林羞

從家君同冬嶺翁會坦菴翁宅次主人韻

庚辰正月十一日原
永貞大町敦素到

春韭雨晴客滿筵輕寒侵衣覺蕭然文人行是通家

好長者言為天下先須吐情真舒繆繆豈將文字

嬋妍喜今陌上隨三叟不向飲中慕八仙

附元韻

底蓋相逢輒隔年情如瓜葛蔓延然聚星不是荀
公空尚齒還居白氏先春雨新晴山似冰夜寒稍
減竹初妍老來共擲人間世笑傲何妨作地仙

柳隱北村丈卜居

不向王門求曳裾却於塵裡構精廬嘗聞愛柳陶元

亮又見下唯查仲舒翰墨林中聲卓爾利名場外趣

晏如半墻殘雪半樓月留與高人飽讀書

陪小堀君遊清和院

二月十一日從
家府同敦素到

逍遙地屬寂寥境歌吹海非翰墨場淨界那堪容俗

物良辰且見向韶光林林樹密鳥相避徑徑花多蝶

更忙雲影徘徊松檜頂恨無半畝鑿方塘

春山

藤蘿影暗路縱橫，偶聽鐘聲尋化城。松頭雲簇日光薄，蘋末波皺風力輕。豪氣雖非題柱客，壯懷空說棄繻生。山山樹樹春皆好，况又前村帶雨耕。

偶書

事業那堪口舌爭，千年只有首陽名。無人來問屠龍手，閒俗俱招使鬼兄。柴几習書嫌字拙，梅窓哦句覺詩清。新菘肥雨旋堪瀹，時自安排折脚鐺。

春日偶成

未將刀筆學良吏，願掛姓名附逸民。微潤雖宜移樹

候，輕陰且惱看花人。從來文字情難絕，他日笙歌迹易陳。唯有柳條不孤約，依然又見舊精神。

春晚小堀君山莊

三月八日從家君同敷養往山崎氏在坐歸路將雨

林鳥好間聲，恰恰芭鞋何厭到。頻頻非烟非霧村，村靄有酒有詩處。處處春雨後，山添濃意態。水邊花帶淡精神，朱厓黃閣迹俱遠。至樂屬斯無事人。

夏夜對月

那容俗物擾清閑，半榻輕颺對馬班。天上冰輪今古色，人間朱黻咄嗟間。幸逢新釀熟，時酌旋取舊文繁。

處刪涼入郊墟吾事足城東無地不佳山

題待儔軒六月廿一日

長對閑雲兼疊巒不招繡轂與金鞍縹緲是處伴清

隱襪穢何人走熱官芋葉綠欹風獵獵藕花紅綻露

溽溽雖然已了向平願沙上白鷗盟未寒

訪凹凸窠三好丈人十月四日

怪松抱石壓岩扉回磴層層上翠微尋葦者穿旁徑

過負薪人認別邨歸閑看雲影幾來去既遺世間百

是非此味難俱夸者說一丘一壑意依依

衰柳

一帶長隄人獨立笛聲不管訴愁頻最悲灞岸楊柳

日追憶未央欲暮春霜後葉無新物色月中枝著舊

精神風流何處張公子恨殺河邊離別人

次並河損齋見寄韻

休言濟世無三策何用為高伴七賢東阜殘春迷柳

外西窓斜月蔭花前詩書仍舊占閑地鴻鯉而今隔

各天早晚細評分妙理新文篋裡二三篇

元日 辛巳

窓日烘烘將丈五那容俗子問華胥東風拂曙潑水

柱小雨隔年湯雪車青史有名唯管樂烏皮無卷不

歐蕪芳辰於我心期在花樹移來已歲餘

春初同諸友謁銀青藤公二月初三日村冬嶺北葛所壩蘭旱到

退公清暇好追隨近午既經營相祠麟閣策勳知有

白鳩頭名對每移時遠園修竹可千箇照水疎梅繞

一枝慙愧幾年文字飲品題未見半篇奇

寄淳屠道香師

滿地松花日欲曛篆烟影散覺餘薰日緣久領能仁

自作業須由宣父文性性圓成千澗月心心不住半

溪雲斯言斯理須還子吾道從來無異聞

和春日思親詩

予嘗識滄浪室子之名于若水縉子得聞其一二篇章想望風采有日矣頃見示其春日

思親十二什求予廣其韵吟玩咀嚙其屈毛

離裏之感雖具慶之人不感不動心也若水

子北行期促催迫弗叙

漫嗣三什以應高響

瓊章忽見映春陰嘔出連篇孝子心月下歡娛思昔

侍花前杖履與誰尋著存誠有蘋蘩在顧復思蕪滄

海深會面無期南北隔新詩一卷是知音

聞說麻衣久已除數篇孝思尚如初音容長見親栽

樹手澤猶存嘗授書霜露而今增感慕苦塊當日厭

安居奉先休道三牲乏沼泚有毛澗有蔬

滿篇珠玉落書堂諷玩知從孝子鄉幽鳥傍窓如訴

報閑花泣露，覺無香。唯聞哀歎，與長哭，不見錦心。燕
綉腸水木，奈源多易忽。歲寒獨有野梅芳。

東並河槓齋。

司馬世家國威，勲幕賓新見。却參軍三更詩，思空梁
月千里。面談日暮雲佩印，莫誇何若若抱經。須識欲
云云，而今幹蠱休。遙念辛有阿，同才技羣。

辛巳仲秋無月

滿架圖書散，未收仍聞絡緯動。清愁嘗期佳會，三秋
半那意賞心。一夕休雲影無，人橫北渚。雨聲伴客，近
南樓百年天地恨，何限。嚙去滄州伴白鷗。

遊龍峯正宗菴方丈有元弘中所賜勅額

壬午四月廿九日應河那部氏之招
從先生同朝倉大澤豐田携衡弟往

不須山屐冒峻嶒，半日相逢竹院僧。朱閣崢嶸逼兜
率丹門剝落樓迦陵。明窓長為看雲坐，小檻時目覓
句。憑世事百年人死盡，唯餘奎畫記元弘。

閏八月十五夜

天時雖過三秋，半月色仍思八月。槎露葉暉暉寒影
瘦陰蛩唧唧夜情多。團圓是日唯文字，翫醜誰人託
浩歌。望斷雲衢千里外，潯陽風物定如何。

遊賀茂中大路丈莊

從先生同可昌簡亮
到中大路清茂宅

雖非少小釣遊地風物依依關我情烟接平蕪秋樹
遠水環古廟晚花明新詩且乘醉時寫石徑苦求奇
處行斯興城中最難得長堤步月聽虫聲

默所丈宅賦夜雪

臘十二日正
薄午甫等到

時有野梅傳暗香寒更聽雪對繩床村前已失竹陰
路舍北應齊松外墻淮蔡奇功思李愬汝南白戰愧
歐陽頻呵凍研詩難就何處能求龜手方

同日席上賦歲暮會集

蹤跡蹉跎向晚歲盍簪今夜雪初霽凍禽叫月拂簷
端脩竹依人立庭際博聞徵事駭新奇菲才戰文避

精銳今年又錯早春計五丁難挽壑蛇勢

松谷子席上作春雨中

甲申二
月四日

小雨如酥蟄始驚高堂是日對軒楹紺牙方茁添生
意金羽時來覺有情助得江山兔毫健責無辰酉布
衣輕東郊無處不花柳弊屣枯筇乘快晴

靈山即事

五月廿九日
携長蘆借並河亮過清廉

鷺峯蘭若意依依一榼興來對翠微殘果亞枝梅可
摘新雛傍母雀初飛乾坤不老詩書在泉石益奇輪
鞅稀終日清歡同臭味掩西木末弄斜暉
宜敬齋主人遠自勢之龜山見寄新正作一首

忽見淋漓數行字唐詩一律慶新正望中鷓鴣嶺嵐光
濕夢裏龜山黛色橫翰畧年年由世守詩書矻矻飽
芳聲報章不盡答高意更展吳牋吐野情

中秋遇雨緒方維集席上次韻

佳期一夜雖相失多幸幽齋得浩遊鴻雁行行雲影
黑芭蕉葉葉雨聲愁青樽是處客前席銀燭幾家人
倚樓商榷又逢舊詩伴共聞絡緯對清秋

重九日桂川處士同諸友登如意岳有詩見似

和呈請政二首

隔斷紫街十丈塵山容經雨特清新世情隨境有榮
辱志氣到頭無屈伸擇勝自喻望蜀者搜幽常遇避
秦人山阿叢桂嘗招隱益識慵尋名利津
亂藤高竹接嶙峋數箇茅茨野况新松子得風時或
墮稻孫依畝冷難伸漢陰嘗遇抱甕叟塞上又聞失
馬人一笑癡兒煩伎倆吟風弄月意津津

紹述先生文集卷之二十四終

送王定國出守大梁卷之二十四

送王定國出守大梁卷之二十四
蘇東坡先生文集卷之二十四
送王定國出守大梁卷之二十四
蘇東坡先生文集卷之二十四

蘇東坡先生文集卷之二十四
送王定國出守大梁卷之二十四
蘇東坡先生文集卷之二十四
送王定國出守大梁卷之二十四
蘇東坡先生文集卷之二十四
送王定國出守大梁卷之二十四
蘇東坡先生文集卷之二十四
送王定國出守大梁卷之二十四

